

Na osnovu člana 15. Zakona o principima lokalne samouprave („Sl.novine FBiH“, broj: 49/06) i člana 20. Odluke o izvršenju Budžeta Općine Cazin za 2010. godinu (“Službene novine općine Cazin”, broj: 3/10), na prijedlog Službe za opću upravu i društvene djelatnosti, Općinski načelnik

P R A V I L N I K

o dodjeli stipendija redovnim studentima općine Cazin

I OSNOVNE ODREDBE

Član 1.

Ovim pravilnikom se uređuje pravni odnos između općinske uprave Cazin kao davaoca stipendije (u daljem tekstu: stipenditor) i redovnih studenata općine Cazin, kao korisnika stipendije (u daljem tekstu: stipendist), a naročito: način dodjele stipendija, prava i obaveze stipendista i način ostvarivanja tih prava, te prava i obaveze stipenditora.

Član 2.

Studenti općine Cazin, redovno upisani na fakultetima, višim u Bosni i Hercegovini imaju pravo podnijeti zahtjev za dodjelu stipendije pod uslovima i na način propisan ovim pravilnikom, a u granicama budžetom predviđenih sredstava općine za tu namjenu .

Sredstva predviđena budžetom koristiće se za stipendiranje studenata u 100% iznosu.

Član 3.

Izbor stipendista vrši se na osnovu konkursa koji raspisuje Općinski načelnik po usvajanju Budžeta za kalendarsku godinu, a koji se objavljuje u sredstvima javnog informisanja.

Član 4.

Postupak izbora kandidata po konkursu provodi Komisija za provođenje konkursa za dodjelu stipendija koju posebnim rješenjem imenuje Općinsko vijeće.

Komisiju čine predsjednik i pet člana koji se imenuju na period od jedne godine.

Komisija za dodjelu stipendija je dužna razmotriti sve prispjele zahtjeve i utvrditi rang listu kandidata prijavljenih na Konkurs koja se ističe na oglasnoj ploči općine Cazin i dostavlja Službi za opću upravu i društvene djelatnosti.

Član 5.

Služba za opću upravu i društvene djelatnosti vrši izbor stipendista u skladu sa utvrđenom i objavljenom rang listom Komisije za dodjelu stipendija.

I I USLOVI ZA DODJELU STIPENDIJA

Član 6.

Na raspisani konkurs za dodjelu stipendija mogu se prijaviti kandidati koji imaju prebivalište na području općine Cazin, a koji su redovni studenti na fakultetima ili višim školama u Bosni i Hercegovini.

U jednoj školskoj godini iz jednog domaćinstva može biti najviše jedan korisnik općinske stipendije.

Član 7.

Studenti koji su apsolvirani, kao i studenti koji obnavljaju godinu ili su već korisnici stipendija drugih pravnih subjekata ne mogu konkurisati za stipendiju, niti će njihove molbe biti uzete u razmatranje.

Član 8.

Studentima bez oba roditelja, sa utvrđenim stepenom invalidnosti, dodjeljuje se stipendija bez bodovanja, pod uslovom da ne obnavljaju godinu i da nisu korisnici stipendije kod drugih pravnih subjekata.

Član 9.

Broj bodova se utvrđuje na osnovu slijedećih kriterija:

a) po osnovu uspjeha;

b)

- 1. Studenti prve godine** studija: prosječna ocjena uspjeha u zadnjoj godini srednje škole pomnožena sa brojem **8** __ bodova
- 2. Studenti druge i narednih godina**, prosječna ocjena svih položenih ispita pomnožena sa brojem **5** __ bodova

c) po osnovu socijalnog statusa;

1. Studenti djeca šehidskih porodica
49 bodova
2. Studenti bez jednog roditelja čiji je prihod po članu domaćinstva **ispod 1/5 prosječne plate u FBiH** **46** bodova
3. Studenti **RVI-a** sa procentom invalidnosti preko **60 %** i civilne žrtve rata čiji je prihod po članu domaćinstva **ispod 1/5 prosječne plate u FBiH**
45 bodova
4. Studenti djeca **RVI-a ispod 60 %** i djeca **demobilisanih** boraca gdje su oba roditelja nezaposlena **44** bodova
5. Studenti čija su **oba roditelja nezaposlena**, i **primaoci socijalne pomoći** **43** bodova
6. Studenti gdje je prihod po članu domaćinstva **ispod 1/10 prosječne**

- plate u FBiH 41 bodova**
7. Studenti gdje je prihod po članu domaćinstva **ispod 1/5 prosječne plate u FBiH 40 bodova**

Bodovi po osnovu socijalnog statusa ostvaruju se po jednom osnovu. Ukoliko dva kandidata imaju **isti broj** bodova prednost se daje kandidatu koji ima **više bodova po osnovu socijalnog statusa**. Ako i tad broj bodova bude isti komisija odlučuje na osnovu utvrđenog stanja na terenu o čemu će sačiniti zapisnik

Prosječna plata u Federaciji uzima se prema zadnjim objavljenim podacima Federalnog zavoda za statistiku.

III VISINA STIPENDIJE

Član 10.

Kandidat čija je molba za stipendiju pozitivno riješena, stiče pravo na stipendiju nakon potpisanog Ugovora o stipendiranju između stipenditora i stipendiste odnosno roditelja ili staratelja.

Ugovor se potpisuje za 10 mjeseci računajući od početka školske odnosno akademske godine.

Član 11.

Visina stipendije za studente iznosi 80 KM.

IV PRAVA I OBAVEZE

Član 13.

Studenti (stipendisti) dužni su da redovno prate nastavu, odnosno da u predviđenom roku polože odgovarajuće ispite i regulišu i druge obaveze predviđene zakonom, što dokazuju odgovarajućim aktom obrazovne institucije.

Član 14.

Stipenditor može raskinuti Ugovor o stipendiranju prije ugovorenog roka i zahtjevati povrat primljenih stipendija od stipendista, odnosno njihovih roditelja ili staratelja, u slijedećim slučajevima:

- ako korisnik stipendije svojom krivnjom prekine redovno školovanje;
- ako korisnik stipendije primi stipendiju od drugog davaoca;
- ako korisnik izgubi status redovnog studenta;
- ako korisnik stipendije neistinito prikaže uslove na temelju kojih je ostvario pravo na stipendiju.

Komisija za dodjelu stipendija je u mogućnosti da utvrđuje istinitost prikazanih uslova za ostvarenje prava na stipendiju, i o tome može da sačini službenu zabilješku.

V ZAVRŠNE ODREDBE

Član 15.

Stipendista općinske uprave Cazin, ne može biti uživatelj stipendije od strane drugih pravnih subjekata.

Član 16.

Od povrata stipendije, iz člana 14. ovog Pravilnika, oslobođeni su djeca bez oba roditelja i djeca pod starateljstvom, djeca sa tjelesnom, mentalnom i senzornom ometenošću.

Član 17.

U slučaju odbijanja zahtjeva za dodjelu stipendije, podnosilac zahtjeva ima pravo žalbe.

Žalba se podnosi Općinskom načelniku u roku od 8 dana od dana objavljivanja, od strane Službe za opću upravu i društvene djelatnosti, utvrđene liste korisnika stipendija na oglasnoj ploči općine Cazin.

Odluka Općinskog načelnika po žalbi je konačna.

Član 18.

Pravilnik stupa na snagu danom donošenja.

Stupanjem na snagu ovog Pravilnika prestaje primjena odredaba Pravilnika o dodjeli stipendija redovnim studentima i učenicima općine Cazin broj: 01/N-38-3365/09 od 05. 05. 2009. godine

Obrađivač:

Služba za opću upravu
i društvene djelatnosti
Hasan Salkić. prof.

OPĆINSKI NAČELNIK
Ogrešević Nermin, dipl.ecc

Broj: 01/N-38-6279/10
Cazin, 17.05.2010.godine